

四庫全書

史部

欽定四庫全書

平定準噶爾方略正編卷五十

乾隆二十三年春二月癸亥

定邊將軍兆惠等疏奏軍營領隊大臣及官兵
等功次

兆惠等奏言臣等伏查額林哈畢爾噶路領隊
大臣侍衛等或屢次進勦或僅行走一二次有
奉

旨交部議敘又交部察議功罪相抵及解送降人未經戰陣者俱毋庸議外謹將各隊即兵行走功次查明具奏其領隊大臣羅卜藏多爾濟愛隆阿鄂卜什圖倫楚順德訥瑚爾起端濟布達禮

善弩三璫綽爾圖奎瑪岱等功次列單恭呈

御覽又據副都統瑚爾起呈稱從前在唐喀祿隊內行走擒拏巴圖博羅侍勦滅阿睦爾撒納所留

烏梁海等業經邀

恩議敘惟自塔爾巴噶忒帶兵策應圖倫楚等奮勉
勦賊各官兵查有唐喀祿交付備賞之孔雀翎
一枝藍翎二枝今揀選出衆得功之副總管西
通阿護軍校索薩勒圖驍騎校綽羅和爾等可
否准其戴用亦將伊等功次列單恭呈

御覽至軍營官兵立功列為三等仍分晰次數查一
載以來以出衆効力存記者二人餘人又於二
三次出衆効力之四十餘人內揀選索倫署叅

領塔濟爾圖等二十人已圖魯侍衛扎延保等
十人應請

旨交部補行議敘又坐臺之委署筆帖式等於事件
並無遲悞又能搜勦嗎哈沁至五六十人以上
收取牲隻軍器如健銳營前鋒署筆帖式富魁
力戰傷傷行走出衆將功次另繕清單其餘効
力人等亦造冊送部議敘又臣等隨帶之喀喇
沁等臺站參領納旺等及隨原任總管第魯巴

前來之烏拉齊扎勒桑等十三人分管臺站搜
勦賊衆均能奮勉効力請以應陞之缺補用又
據索倫委署防禦清保戴獎賞翎固寧保等呈
稱伊等二十三人于乾隆二十一年隨扎拉豐
阿回京時遇準噶爾復叛沿途與賊力戰內三
人殘廢遣回原籍其餘十九人現隨營効力又
巴圖魯侍衛瑪瑞呈稱隨行官兵十人遇賊對
陣惟索倫披甲人英格勒圖肩中烏鎗奮勇脫

出今仍効力軍營其餘九人未能脫出懇乞照
例辦理各呈報前來應請送部議敘其瑪瑞所
報未能脫出之九人亦送部議卹又索倫總管
布喇勒圖等三人俱在哨探隊奮勉行走可否
量為獎賞准戴孔雀翎之處出

聖恩奏入得

旨塔濟爾圖扎延保等俱交部補行議敘其朱爾都
斯路官兵有似此未經查出者即查明送部富魁

著授為主事仍留軍營効力餘俱照所請行又
諭曰從前曾派第魯巴往管西路臺砧正值賊人變
亂之際或被戕害或有他故並無信息若果為賊
所害亦應加恩優卹著兆惠等查明奏聞

定邊將軍兆惠等疏奏鄂羅斯拜逃走情形
兆惠等奏言臣富德前奏察哈爾護軍鄂羅斯
拜騎牽馬匹逃走奉

旨令將鄂羅斯拜或係逃走或係迷路之處確查具

奏臣等即傳帶領鄂羅斯拜前往哈薩克之戴獎
賞翎布圖訥等詢問據稱去年齋奉

恩賞哈薩克霍集伯爾根等緞匹于十月二十五日
回程夜間係鄂羅斯拜值班看守馬匹忽行逃
走遍覓不得是以呈報等語是鄂羅斯拜逃走
屬實臣等已行文哈薩克查拏務獲解送奏入
報

聞

乙丑

訓諭定邊將軍兆惠等奏敘軍營功次

上諭軍機大臣曰兆惠富德將伊等去年出兵未經
查出之侍衛官員分別功次補請議叙又將領隊
大臣羅卜藏多爾濟等功次聲明具奏甚覺繁瑣
無謂夫思自朕出其効力行走之人皆分所應爾
豈可稍生覬倖兆惠等在彼閒居並不將現在切
要事件留心計議一味沽名瀆奏在伊等之意

以為准其所奏則官兵得以邀恩即不准行人亦
咸懷感激如此存心可乎且將以此為辦事乎然
在侍衛官員前此疎漏未經查出者補請議敘猶
可若羅卜藏多爾濟因其効力已封郡王豈以為
尚未加恩乎即圖倫楚順德訥俱加恩授為副都
統伊等果能勝都統之任否其餘議敘陞級者
尚多若謂行走一次即應加一次之恩則與傭工
取直何異且北惠身為將軍兩路俱應視同一體

何以于朱爾都斯一路未經查奏耶朕因朱爾都斯一路辦理無緒將成袞扎布撤回舒赫德鄂實降草豈大臣獲咎官兵內遂無一二効力者乃兆惠僅將隨伊行走之人奏敘此何理耶若輩現在亦隨兆惠進兵如此將何以冀其出力若謂兆惠等一路功多亦不過獲一巴雅爾耳而疎脫阿睦爾撒納者獨非伊等乎至奏將存留之翎賞給西通阿等三人有何緊要况留翎三枝即有三人効

力安得如此湊巧何見之小也但業經具奏姑如所請其朱爾都斯路有効力行走官兵從前未經查出者可一併查奏著傳諭兆惠等知之

諭定邊將軍兆惠等酌調索倫兵丁

上諭軍機大臣曰據雅爾哈善等奏稱所調陝甘綠旗兵丁計二月二十日以外可至魯克察克自魯克察克至瑪納斯又需二十日于三月初十左右始至軍營距兆惠進兵之期已逾一月等語前因

兆惠屢次奏請增兵又將伊所領索倫兵一千名撥給雅爾哈善故派綠旗兵一千名前往近因雅爾哈善奏伊現在所有索倫察哈爾及富紹等送馬兵丁將及三百名擬分派哨探策應及巡察牧羣之用朕慮此數尚不敷用諭將一切差遣回程索倫兵留于魯克察克合計可得若干如有不足再自兆惠軍營遣發又諭順德訥阿里袞兵丁俱歸雅爾哈善之隊亦將及一千但未知此內有索

倫兵若干若得六七百名已足敷用則兆惠所領
索倫兵即無庸調遣或已經起程行走未遠亦可
調回再綠旂兵雖赴調稍遲而隨後進發亦足增
聲勢可仍行遣回若兆惠竟不需用即存留屯種
亦可著傳諭兆惠雅爾哈善一面咨商辦理一面
奏聞

丁卯

諭已里坤辦事巡撫吳達善安插降人事宜

上諭軍機大臣曰據吳達善等奏遵旨將厄魯特哈爾察海等俟送到時賞給產業同綠旗兵食糧餉後有似此者查照辦理等語昨因厄魯特勦殺之後餘衆無多若槩行誅戮恐聞風驚怖以致各處藏匿故將哈爾察海等如此辦理但此等降人情節不一著傳諭吳達善等嗣後有似此送到者俱著奏聞請旨哈爾察海等亦不必安插巴里坤俱發往安西歸入綠旗兵內差遣仍加意約束忽致

脫逃再丑達自軍營送回巴里坤駝隻倒斃甚多
所存俱屬疲瘦是全不盡心照管吳達善何以並
不參奏著一併傳詢

署安西提督西寧鎮總兵官劉順以辦理戈壁
井泉有功

命交部議敘

戊辰

大學士管陝甘總督黃廷桂疏奏酌辦軍需情

形

黃廷桂奏言伏查調往巴里坤吐魯番屯田綠
旂兵二千名先後調赴魯克察克兵九千名派
提督馬得勝總兵五福副將達世朗福昌等帶
領自本年正月初十至二月二十日先後出關
計三月初可至魯克察克其征屯兵丁隨帶行
裝并軍營咨取之器械農具籽種無一不需輓
運臣再四籌酌以軍需固關緊要而轉瞬即屆

春耕民食攸繫雖經嚴飭各屬曉示商民出車
應募尚恐稍有遲悞幸蒙我

皇上天恩浩蕩各州縣借辦軍需概免賠補民間舊
欠新徵疊予蠲豁是以輿情鼓舞村堡小民亦
爭出車輛晝夜飛輓今各項軍需俱已全數出
關各站供支草料俱無缺乏其屯田借動民間
農具俱從涼甘製辦給還現在惟晉省解駝六
千隻及豫備正餘馬一萬七千匹所需豆石自

可從容辦運其撥運各屬平糶倉糧尚可稍緩
此時二月初旬正民間耕犁之際臣即飭知各
屬將民間牛車悉令解散歸農毋許胥吏扣留
勒索至豫備馬匹現飭陝甘各營挑選約于四
月初間可以全到肅州再從容送到巴里坤奏
入

上諭軍機大臣曰據黃廷桂奏稱軍需辦解將竣請
暫停可緩之糧運以便農功具見悉心調劑其所

稱豫備正餘馬一萬七千匹四月初間可抵肅州
等語著飭交各該員加意飼秣俟春深時口外青
草豐茂陸續酌撥送赴巴里坤一帶分廠牧放騰
分易于滋長兼可省內地芻豆且免五六月間經
行戈壁之勞將來遇有調遣自可就近趨赴不患
長途疲乏可傳諭知之

恩賞追勦鄂木布所屬烏梁海効力得傷之台吉班
第等二十三員兵丁一百十八名緞匹銀兩有

差喀爾喀馬甲索諾木傷重難痊加賞銀五十

兩

定邊將軍兆惠等資送造辦鎖子甲之厄魯特

奇齊克瑪木特多爾濟到京

命歸入蒙古旂分在武備院行走于造辦處成造

戊巳

命賞定邊左副將軍成袞扎布銀一千兩藍翎侍衛

圖沙布蘇魯克沁銀各三十兩馳驛前赴北路

軍營

庚午

諭副都統巴圖濟爾噶爾等防護解送馬匹

上諭軍機大臣曰據兆惠等奏現在軍營口糧不敷官兵以馬為食等語看伊等如此情形不獨進兵遲滯且將所送肥馬盜作口糧亦未可定已飭諭兆惠等嚴行查拏稍有疎縱定將伊等治罪著傳諭巴圖濟爾噶爾等送馬到軍營時暫行不必分

給官兵照常分廠牧放俟兆惠等到伊犁等處再行分給仍于途次嚴飭送馬官兵加意查拏盜竊庶馬匹胥歸實用以利軍行

訓諭定邊將軍兆惠等酌量揀補索倫等處員缺

上諭軍機大臣曰據兆惠等奏稱索倫等處員缺行文該將軍于副都統鄂博什等保荐軍前一等人員內揀補其索倫副總管伊靈阿佐領三達保已奏特旨補授二等侍衛副總管佐領與二等侍衛

俱係四品可否令其兼管等語伊靈阿等兼銜之處著照所請行至該旂所出員缺俱于鄂博什等保荐軍前人員內選補則非矣從前索倫達呼里等缺出該將軍等揀選未及軍前人員故降旨亦令得與然其間亦有新舊久暫之殊若謂本處缺出皆應以現在出兵人員補授則從前在和通呼爾哈淖爾額爾得尼招等處出兵得傷曾經効力之人因年老現未從軍轉致陞補無期于情理殊

未平允朕于効力人員酌量加恩並非不計功次
概行拔擢况索倫人等本屬渾朴若使知從軍即
當優敘必且驕縱妄生冀倖即如具呈保送本伊
等不知之事今如此辦理乃兆惠等欲沽美名潛
相引誘之所致耳信如所奏將來軍前人等加恩
則効力不加恩即不効力有是理乎兆惠富德所
見甚屬錯謬俱著傳諭飭行嗣後索倫等處員缺
照常于軍前及在家人員內酌量揀選補授

署定邊左副將軍納穆扎爾等疏奏辦理烏梁
海游牧

納穆扎爾等奏言據車木楚克扎布將已降復
逃之鄂木布三得秦人等分別查辦內瑪勒占
五戶起意惑衆情罪可惡即將男子正法婦女
分給衆烏梁海等其舒都特穆爾八戶因犯病
人多暫留被脅尚可寬宥合併從前移來得木
齊扣克勒濟等歸察達克管轄其新降烏梁海

等游牧地方車木楚克扎布與察達克圖布慎
等會同詳議伊等舊烏梁海及新降之博和勒
等俱在烏蘭古木種地其游牧在吹阿勒和碩
努肯穆倫哈里袞布拉克科卜多河綽和爾淖
爾二扎克賽博羅布爾噶蘇察罕烏蘇索和克
達爾奇圖等處聯絡居住再新降烏梁海宰桑
那木查爾于去年十二月病故屬實其所屬三
得秦應請令伊子阿喇善管轄又據舒都之子

訥默庫供稱逃入俄羅斯之鄂木布及伊三子
郭勒卓輝博博等父子俱于前年秋季出痘身
死臣等將俄羅斯書信內有奈曼噶雜克之人
投入內地之語詢問據供並無聞見等語奏入

報

聞

甲戌

諭靖逆將軍雅爾哈善等留心防範差遣回人

上諭軍機大臣曰據雅爾哈善奏稱去年隨成衮扎布行走之庫車回人伯克鄂對等願往軍前効力俟取庫車烏什阿克蘇等處後酌量差遣或令其看守城池等語伯克鄂對等係何處頭目因何投順伊等本處更有何人其妻子現在何處著傳諭雅爾哈善查明奏聞再回人性情雖不同厄魯特而近年與厄魯特雜處不免漸染習氣未可深信取庫車等城後伯克鄂對等亦未當專令看守仍

聽王素富節制再留我領隊大臣一員彈壓始為
周密否則恐似厄魯特等於大兵前進之後乘間
復行變亂亦未可定著雅爾哈善會同額敏和卓
留意辦理不可稍有疎忽

定邊右副將軍策布登扎布疏奏起程日期

策布登扎布奏言臣於正月初八日至巴里坤
因所派官兵馬駝不敷酌留官兵三十餘名令
侍衛寧古禮續進臣於十七日起程前往軍營

因額林哈畢爾噶雪天由吐魯番路行走從前奏
請隨帶之協理台吉旺楚克在巴里坤患病遣
回游牧又協理台吉齊旺扎卜於游牧患病據
桑寨多爾濟派出本旗協理台吉恭格前來臣
即帶往軍營奏入報

聞

乙亥

命御前侍衛侍郎副都統三泰驗看阿逆身尸

上諭軍機大臣曰據桑塞多爾濟奏稱林丕勒多爾濟派往俄羅斯驗看阿睦爾撒納身尸中途病故已派親王齊巴克雅喇木丕勒等前往等語著傳諭三泰齊巴克雅喇木丕勒雖經驗看仍須親信大員前往方知是否確實三泰即遵朕旨前往詳悉驗看又

諭曰林丕勒多爾濟前在軍前効力加恩封為公爵今奉差中途病故深可憫惻其公爵著加恩於伊

子內揀選一人承襲仍賞銀二百兩經理喪事

喀爾喀郡王品級旺布多爾濟公品級三濟扎

卜俱効力軍營遣回游牧身故旺布多爾濟之

郡王品級以長子車德卜承襲三濟扎卜之公

品級以長子三都卜多爾濟承襲

厄魯特克勒特總管根達什副總管莽蘇爾侍

衛吹木丕勒等至京

命賞根達什銀五十兩緞四端莽蘇爾銀四十兩緞

三端吹木丕勒銀二十兩緞二端具眷屬人等
一併於察哈爾旗分安插

署定邊左副將軍納穆扎爾疏奏定議烏梁海
爵祿貢賦等事宜

納穆扎爾奏言查烏梁海等仰沐

聖主仁化全部輸誠此內舊日歸順之察達克圖布
慎車根赤倫哈克圖莽噶拉克洪和等七人俱
奉

旨授為內大臣散秩大臣副都統三品總管有差其
新歸順之博和勒那木查爾特勒伯克扎爾納
克等亦俱授為三品總管但伊所屬鄂拓克
內每得秦俱有得木齊收楞額等辦理事務若
准給伊等頂帶更足彈壓屬人昨奉

旨將阿勒坦淖爾之得木齊等俱賞給佐領職銜其
察達克圖布慎赤倫車根哈克圖恭噶拉克洪
和博和勒那木查爾之得木齊收楞額特勒伯

克扎爾納克之收楞額等應請

旨將得木齊等授為佐領收楞額等授為驍騎校給
與頂帶至

恩旨賞給察達克及諸總管等俸例應赴京闕領
但烏梁海游牧甚遠往返艱難且伊等多未出
痘據車木楚克扎布扎於伊等赴京領俸之便
將察達克等俸祿代為領出至烏里雅蘇台傳
集分給似屬妥便再臣等將新舊烏梁海等頭

目詳詢車木楚克扎布據稱輝齊賚老老人亦
平常伊現管得秦人衆原係莽噶拉克之父所
屬請仍歸莽噶拉克管轄其察達克圖布慎車
根赤倫哈克圖莽噶拉克洪和等屬人內有一
百二十三戶並無牲畜且俱係老幼殘廢人等
又有二百六十六戶雖無牲畜而年齒尚壯俟
二三年後生計較裕再令納貢現在堪以納貢
者共七百十九戶每戶令納貂皮二張計每年

應納貂皮一千四百三十八張新歸順之博和
勒那木查爾特楞古特鄂木布共九得秦三百
九十二戶堪以納貢者一百九十二戶阿勒坦
淖爾總管特勒伯克扎爾納克等共四得秦一
百七十五戶堪以納貢者一百二十二戶應俱
照察達克等之例一體完納其父收之例察達
克博和勒等九總管內應請輪派得木齊一人
送至烏里雅蘇台阿勒坦淖爾之特勒伯克扎

爾納克等四得秦人等較察達克游牧更遠應
請於爾總管四佐領內輪派得木齊一人交納
其監收大員於策布登扎布車木楚克扎布二
人內輪值一人會同將軍大臣等辦理所有

恩賞緞布即於交收時給發又據車木楚克扎布告
稱奉

旨管理烏梁海事務一應催科詞訟必須諳練之員
副都統莫尼扎卜深悉烏梁海情形可否令其

協辦事務豫備差委俱恭候

訓示遵行奏入

上從之

丙子

訓諭副都統濟福等毋庸調集青海兵丁

上諭軍機大臣曰濟福等奏稱前至烏蘭和碩值索

諾木丹津巡查卡倫未回因與貝子那木查爾策

凌商議即飭傳派兵丁一千名齊集扎噶蘇台等

語前諭酌量派兵不過豫備賊人闖入並未即應起行者今當春令牲隻疲瘦之際將兵馬指定處所齊集一處不得覓廠牧放勢必愈加疲瘦且亦苦累蒙古人等此皆濟福等未悉朕旨辦理錯謬所致著傳諭濟福等奉到此旨毋庸傳集兵丁即令在各游牧預備量給扎拉豐阿那木查爾兵丁前往偵探如無賊人踪跡則此兵即不可用并傳諭索諾木丹津那木查爾策凌知之

授厄魯特宰桑三都克為散秩大臣

上諭軍機大臣曰厄魯特宰桑三都克隨軍管將軍大臣等頗能効力行走著加恩授為散秩大臣賞給京城官房一所令其居住近同根達什等送到人內有三都克所聘妻室即令完聚其存留巴里坤家口什物著行文辦事大臣遇便送京給還

丁丑

定邊將軍兆惠等疏奏辦理起程事宜

兆惠等奏言臣等節次奉到

訓旨敢不益加奮勉俟馬匹口糧軍器一到即速起程今副將哈尚德從巴里坤送羊二萬五千隻計倒斃一萬五千六百有奇所存九百三百餘隻合之將來運到米麵二千五百石以現兵四千五百名計之僅足四五十日之食若坐候全到則更為徒費臣等酌議惟俟軍器到日即可起程擬於二月初十日內外進兵行文巴里坤

大臣速為運送至續派綠旗兵一千名雖足壯聲勢但巴里坤解送之馬已分給魯克察克軍營二千匹不敷派給又多費口糧應請停其遣發又臣等准雅爾哈善等調領隊大臣一二員巴圖魯侍衛一員查魯克察克兵丁內察哈爾最多隨派總管端濟布三等待衛諾爾木前往奏入

上諭軍機大臣曰兆惠等奏擬於二月初十日內外

進兵不待口糧全到所見尚是沙喇孛勒賊衆烏合
易離力亦窮乏現兵四千五百名足敷辦理綠
旗兵一千名自可傳其遺發著傳諭巴里坤大臣
將軍罷口糧速為運送至兆惠等進兵雖中途無
賊人游牧若到沙喇孛勒即可收其牲隻宜加樽
節以濟軍食計此時馬匹軍器口糧自當陸續送
到可作速奏聞即傳諭兆惠雅爾哈善等知之又
諭曰解送軍營船隻乃官兵口食所需關係緊要領

解官員理應小心分起運送不致傷損倒斃今哈
尚德自己里坤送羊二萬五千隻沿途即遇霜雪
何至傷損過半是全不以軍食為念哈尚德不必
候阿里衮查叅著即革職枷號著落照數賠補至
哈尚德呈稱原領羊隻多係瘦乏兼有生癩者此
語未必屬實果爾何以哈尚德並不計及能否到
去竟冒昧領受耶但看其倒斃如許或巴里坤大
臣交付時聊以充數亦未可定若果如此則亦難

辭咎自應分賠著傳諭黃廷桂及巴里坤大臣等
前項羊隻係何處辦運相距程途若干曾否休息
於何日送至巴里坤如何交哈尚德實在有無瘦
乏生癩彼此詳悉查奏如含糊奏覆朕另派大員
查出責有攸歸嗣後辦送軍營羊隻若當需用之
時始行趨赴既一時不能即到一遇寒暑勢必多
有傷損應如何早為辦送或在吐魯番牧放備用
期於軍食無悞著黃廷桂悉心定議辦理

癸未

訓諭戶部侍郎阿里衮明白回奏追賊情形

上諭軍機大臣曰閱阿里衮所奏伊等已至呼爾哈克山有賊人舊游牧踪跡搜查無獲今額敏和卓遵旨回游牧休息於正月二十七日起程伊仍至羅卜淖爾搜查勦殺即回巴里坤辦事等語前據伊等奏稱追勦沙喇斯瑪呼斯等賊向呼爾塔克山前往嗣據額敏和卓之子素賚璫報稱阿里衮

等已回距吐魯番五百里候勦殺藏匿之嗎哈沁等即可撤兵朕因與伊等原奏不符暫行存記今所奏殊屬含混伊等如果因馬匹口糧不足不妨奏明撤回何必復稱前進乃既稱向前追勦俟辦畢始回而究未得賊人踪跡不過於中途遷延行走即謂為追襲巧辭飾說可乎額敏和卓係回人不足深信阿里衮何為者若朕未諭撤兵則伊等將如何辦理計此時阿里衮亦將抵巴里坤著傳諭

令其明白回奏

諭靖逆將軍雅爾哈善等進勦回部事宜

上諭軍機大臣曰據雅爾哈善等議奏辦理回部事務俱協機宜看來成功尚易但用兵關係緊要仍當慎之又慎於其易者難之則事成更速且永得安定矣今兆惠等進勦沙喇摩勒賊衆已諭令竣事後取道夾攻回部即勦賊需時亦必派兵堵截然雅爾哈善係專辦回部當與額敏和卓悉心計

議至所奏伯克鄂對等三人俱係回人頭目懇請効力軍前甚屬可嘉著加恩授伯克鄂對為散秩大臣賞伯克色梯巴勒氏伯克噶岱默特三品頂帶俱著帶孔雀翎仍傳諭伊等若能招降各城回人即照舊令其管轄所屬仍加恩封賞又

諭曰阿里衮等帶往軍前之右衛前鋒索諾木扎卜曾為厄魯特喇嘛等遣往回部熟悉伊地情形因照額敏和卓所言繪圖令其訂正奏呈朕覽著將

此圖發與雅爾哈善等閱看如進兵時有因行查
勘者即相機辦理索諾木扎卜仍著為前鋒在雅
爾哈善隊內奮勉行走又阿里袞等前至卜葉地
方搜獲回人巴雅爾等據供係庫爾勒伯克托克
托之屬人等語雅爾哈善等進兵至庫爾勒彼處
人等若輸誠歸附即諭以仍令伯克托克托管轄
此時且隨軍効力伊等既有名稱前至葉爾羌喀
什噶爾等處招降所識人等自屬有益其他收服

回人頭目亦可照此辦理再義州馬甲巴爾泰去
年從回部脫出頗知彼處路徑亦著在前鋒効力
其從前由準噶爾脫出安插安西之旗人內有識
回地路徑情願効力者俱行遣往果能奮勉將來
仍令伊等來京歸入本旗俱著傳諭雅爾哈善等
知之又

諭吐魯番貝勒品級額敏和卓曰爾同將軍議奏進
勦霍集占等情形看來成事頗易朕甚嘉悅昨賜

爾貝勒品級貝勒分內有應置長史護衛司儀等
官員即於爾屬人內選補俾得受朕恩爾使令亦
可得力其職銜品級已據該部開列即遵照補授
諭定邊將軍兆惠等協勒回部事宜

上諭軍機大臣曰額敏和卓奏稱自沙喇孛勒前往
回部由巴達勒可至喀什噶爾由穆素爾嶺可
至阿克蘇爾路俱險僻難行另有間道選派熟識
數人前赴兆惠處可作嚮導等語額敏和卓所派

之人俱可信用著傳諭兆惠等務加意看待再兆
惠前往沙喇孛勒在魯克察克進兵之先如勦賊
事竣尚可趨赴夾攻回部萬一逾時不及即詢額
敏和卓所派之人於應行堵截之路派兵防守倘
回首窮蹙竄逸自可弋獲又據阿里衮將額敏和
卓同前鋒索諾木扎卜所繪回部地圖具奏朕看
圖內有自沙喇孛勒通喀什噶爾葉爾羌之路著
發與兆惠等閱看

平定津噶爾方略正編卷五十

欽定四庫全書

平定準噶爾方略正編卷五十一

乾隆二十三年二月甲申

副都統順德訥等疏奏擒獲庫魯特宰桑摩羅
等

順德訥等奏言臣等帶領官兵從察罕嶺向烏
隆古哈卜塔克拜塔克前來十二月十八日據
哨探伊薩穆等報稱和博克河有十餘騎踪跡

臣等即令公額爾克沙喇固濟爾巴圖魯滿綽爾圖委署營總阿達木保委署叅領額林沁等追至賽爾山賊人放鎗迎敵次日我兵奮勇衝入前隊察哈爾那木扎卜索倫蘇勒鼐俱被鎗傷我兵將賊人十餘戶盡行勦殺餘二賊亦帶重傷詢係布庫努特得木齊庫本之屬人庫本亦被勦殺因將伊妻查出詢問據供宰桑吞圖布被殺後伊等往投巴圖爾烏巴什不肯收納

遂逃至此地打牲度日等語正月初一日在烏
隆古擒獲厄魯特巴圖詢知奇薩勒比斯淖爾
相近之博洛爾托輝有哈薩克錫喇之得木齊
達什扎卜等藏匿其水多魚結寨住守臣努三
同瑞綽爾圖藍翎侍衛薩爾哈圖莽喀察等前
往初三日遇賊人十餘戶即行勦殺初四日探
有賊人二十餘戶踪跡令厄魯特察罕庫本班
第等聲言收服有根敦扎卜等投出詢知達什

扎卜等約八十餘戶因令為前導夜行達曉始
到其地樹林深密塹壘堅固不易攻取令察罕
庫本等前往收服達什扎卜同一喇嘛出見後
餘人俱出收其烏鎗將丁壯二百餘勦殺詢問
達什扎卜知多倫和濟格爾有得木齊托拜居
住又拜塔克有庫魯特宰桑摩羅等居住常向
巴里坤盜取馬匹十一日臣等至西巴克鄂博
令佐領阿爾噶勒沁等於多倫和濟格爾等處

分兵搜緝見賊人百餘俱行勦殺托拜被傷擒
獲詢係哈薩克錫喇所屬因年老傷重即行正
法二月初一日至拜塔克附近之烏塔莫和爾
探知摩羅等在拜塔克臣努三於山峪防守臣
順德訥同額爾克沙喇瑞綽爾圖等令藍翎侍
衛薩爾哈圖營總金濟噶爾等哨探據報賊人
已將馬駝裝束欲逃臣等急往攻擊摩羅等散
走山谷我兵分路截拿摩羅窮蹙放鎗拒戰阿

爾噶勒沁等步行登山射傷摩羅兩脛始被擒
獲詢問摩羅據供前年冬因在巴里坤被勒帶
領男婦四十餘人於北山盜馬一百二十餘匹
逃出去年五月又往巴里坤盜馬百餘匹今年
二月間扎哈沁莫岱等從巴里坤盜馬一百餘
匹來拜塔克附近居住摩羅等遂與相合今欲
移往喀喇薩爾奇打牲度日等語臣等將摩羅
達什扎卜喇嘛羅林格隆等帶至巴里坤應否

送京請

旨遵行計二月十八九等日可至巴里坤其勦賊官兵列為三等及陣亡得傷人等造冊送部至出衆効力之官兵十三人謹另繕名單功次可否特沛

恩旨以示鼓勵奏入

上諭軍機大臣曰順德訥等自哈薩克邊界撤兵途中搜查逸賊盡行勦殺復將哈薩克錫喇之黨摩

羅達什扎卜等生擒實屬可嘉著加恩將順德訥
交部議叙賞給世職努三授護軍統領額爾克沙
喇封為貝子其奮勉効力之侍衛等按本身等級
以次陞授防禦授為佐領佐領授為副總管遇缺
即補委署防禦驍騎校護軍校俱令實授虛銜孔
雀翎授三等侍衛虛銜藍翎准其實授藍翎侍衛
餘著造冊送部議叙其陣亡人等係虛銜孔雀翎
藍翎俱照三等侍衛藍翎侍衛職銜委署防禦驍

騎校護軍校俱照所署職銜送部議卹永著為例
再厄魯特察罕庫本班第二人著順德訥查明若
未經授職俱授為三等侍衛已經授職亦以次遞
陞順德訥仍遵前旨到巴里坤後稍為休息再隨
雅爾哈善奮勉前進又

諭曰從前兆惠等撤兵過冬並未奏及沿途勦殺嗎
哈沁等似伊等所行之路全無一人今順德訥既
將摩羅達什扎卜擒獲復勦殺賊人如許富德回

兵時亦然看來逃匿賊人正自不少兆惠特未留心搜捕耳事屬既往朕不復追究著傳諭兆惠此次進剿沙喇孽勒賊衆斷不可仍以從前疎略務宜盡絕根株即有藏匿賊人聞信遠移者必隨其所向縱橫追襲勿謂已經解散遂生玩忽順德訥奏摺併抄發又

諭曰順德訥等審訊擒獲厄魯特宰桑摩羅等據供三次至巴里坤盜馬三百餘匹等語駐劄辦事大

臣竟未見一次具奏即所屬未經呈報伊等漫無
覺察所司何事且安知非被盜隱匿入於倒斃數
內混行報銷者著傳諭吳達善等將此二年內巴
里坤馬匹共被盜幾次實數若干係何月日何人
牧放或屬人未報或伊等未奏之處務查明據實
奏聞亦諭黃廷桂一併查奏其摩羅達什扎卜等
解至巴里坤時吳達善等即遴委官兵速解來京
命賑卹喀爾喀圖謝圖汗部落齊巴克雅喇木丕勒

六旗人等

上諭軍機大臣曰據桑寨多爾濟奏稱親王齊巴克雅喇木丕勒公孟固貢楚克齊旺多爾濟扎薩克固魯扎卜貢楚克車林等六旗蒙古人等被災較重生計艱窘朕心深為憫惻著派都統多爾濟帶銀一萬兩前赴圖謝圖汗部落散賑以示體卹又諭曰桑寨多爾濟奏親王齊巴克雅喇木丕勒六旗人等被災已降旨賑卹至所奏停止派差之處從

前喀爾喀內一應差役朕已加恩改為官辦不知此外有何派累著傳諭成衮扎布查明若尚有差役將此六旗暫行停止至所奏請將查拿賊盜之協理台吉達瑪林扎卜宰桑達什扎勒賞給孔雀翎伊等查拿本地賊盜係其職掌非軍前効力可比姑照所請賞給若因已經賞翎不加奮勉著即行具奏又據奏請令三都卜多爾濟協辦事務近經將軍成衮扎布奏令公三都卜多爾濟協助桑

寨多爾濟辦事朕已准行未知即此人否若非其人則仍用成衮扎布所奏但向西路軍營調取尚需時日親王齊巴克雅喇木丕勒諳練事務即著派伊協辦

命駐劄西寧辦事副都統德爾素來京以副都統濟福辦理青海事務

軍營効力之厄魯特雅賽瑪木特及克勒特等十八人由巴里坤送京

命查其家口之已賞官兵者給還安插

乙酉

定邊將軍兆惠等疏奏進兵日期

兆惠等奏言臣等奉到正月十三日

諭旨以從前酌定正月進兵今已初旬尚未奏及致

塵

聖懷臣兆惠臣富德等蒙

恩教育趨奉內廷伏覩我

皇上勅幾圖政宵旰勤劬至軍營奏報雖當深夜猶於門隙傳

進元旦仍辦理軍務凡軍前臣僕微勞無一不蒙軫念臣等常以曉示索倫蒙古官兵等俱不勝感激今巴圖爾烏巴什出痘身死係哈薩克人等傳說哈薩克錫喇等亦前往沙喇擘勒不過互相掠奪臣等雖將瑪納斯附近之嗎哈沁等搜勦尚未得逃匿各賊消息臣富德於進兵時在前

隊哨探捉生詢問即速具奏現在都司富勒渾
蘇勒達三等侍衛訥克布藍翎侍衛愛普薩等
由巴里坤將頭撥軍器口糧於二月初五日運
至軍營無悞有駝隻一千八百有奇惟倒斃一
百餘隻又據巴圖濟爾噶爾報稱護送馬匹於
二月初八九可到臣等將軍器酌量分給兵丁
每人給馬二匹稍有不敷通融辦理策布登扎
布於正月十六日從巴里坤起程早晚可至臣

等擇吉於二月初九日起程在途次會合至從
前係臣富德管理臺站今在前隊行走其尾隨
大兵安設臺站派巴圖魯侍衛瑪瑞管理奏入
報

聞

命議叙都司富勒渾等

上諭軍機大臣曰兆惠等奏都司富勒渾蘇勒達三
等侍衛訥克布藍翎侍衛愛普薩自巴里坤運送

軍器口糧無悞且愛惜駝隻不甚傷損等語著將
富勒渾等及効力兵丁造冊送部照例議叙

中諭叅贊大臣永貴等安設臺站事宜

上諭軍機大臣曰前因軍營臺站關係緊要已有旨
令永貴等加意安設今兆惠等現在起程進兵臺
站馬匹務宜肥壯方不悞馳送事件著傳諭永貴
定長自巴里坤至軍營臺站馬匹如有疲瘦者酌
量更換或自巴里坤派發馬匹前往俱妥議辦理

並諭黃廷桂吳達善等四川解來馬匹此時料已
牧養足用即揀送巴里坤以備接濟俟永貴等咨
調時速為應付

以驗看逆賊阿睦爾撒納身尸確實

宣諭中外

上諭大學士曰前據桑寨多爾濟奏俄羅斯畢爾噶
底爾等報知逆賊阿睦爾撒納身死須作速遣人
往驗當諭速派認識逆賊之人前往今據覆奏與

親王齊巴克雅喇木丕勒會同哈畢坦等詳驗阿
逆身尸肌肉尚完並未朽壞且面貌宛然但據伊
等告稱薩納特衙門尚未有交付帶回之信是以
不敢輕與等語據此則阿睦爾撒納之死益屬確
實無疑朕前經降旨令將阿睦爾撒納尸骸解送
京師特以逆賊情罪重大雖已自斃亦應懸之藁
街以昭顯戮耳但其罪惡貫盈已伏

天誅現今遣往之人會同詳驗確實毫無可疑則俄羅

斯將阿睦爾撒納之尸解送與否均可不必深論
著將所奏識認阿睦爾撒納尸骸確實緣由傳諭
中外知之

臣等謹案阿逆逃入俄羅斯見聞既確我
皇上睿斷獨操謂孰言索取亦惟乘機酌理物來順
應不以一逆孽而更欲窮兵然

德威昭播遠服畏懷哈薩克以曾匿逋逃之故怵我
兵臨率屬面內傳檄所至固已不勞而定俄

羅斯雖飾詞隱譎未嘗敢有抗違前此詭稱
溺斃早蒙

洞燭其奸即不敢復萌欺妄迫逆賊既伏冥誅更懼
徒乖恭順且惟恐不能取信亟請驗尸為確
據於情事尤無可疑蓋處置得宜誠有不怒
而威於鈇鉞者乃

聖諭則謂斷不恃我國威誅求過當况彼既謹措逆
尸再經相驗則棄之窮荒以聽蟲沙之自化

固無異於夔鼓懸街置而不論益欽

聖主知明處當之權衡矣蓋我

皇上討逆綏遐默運成算故兇渠未靖則力屏姑息
苟且之言及操縱在我則不為索垢求瑕之
舉行乎其所當行止乎其所當止順

天而動悉合機宜洵足為萬世法也

命副都統福祿往代阿蘭泰辦理烏里雅蘇台事務
上諭軍機大臣曰副都統職銜阿蘭泰効力軍前有

年辦事雖未妥協尚無貽誤軍機之處著授為鑲黃旗漢軍副都統來京供職副都統福祿著授為叅贊大臣前往烏里雅蘇台協同成衮扎布辦事恩免原任將軍策楞等家屬治罪

上諭軍機大臣曰從前將策楞永常舒赫德玉保等家屬治罪特以用兵伊始而伊等貽誤軍機因緣坐示懲今逆賊阿睦爾撒納已死軍務將次告竣著將策楞永常舒赫德玉保等子嗣俱加恩免罪

充發者召回監禁者釋放王保妻女前入辛者庫
亦一併寬免令歸本旗

三月丁亥朔

訓諭定邊將軍兆惠等查辦送馬情節

上諭軍機大臣曰據兆惠奏稱巴圖濟爾噶爾等送
到馬匹派給官兵計現兵三千六百餘名富德領
兵五百為前隊哨探餘兵分半令策布登扎布哈
寧阿帶領續進伊與巴祿在後進發等語所辦尚

屬妥協但巴圖濟爾噶爾所奏郭木尼勒圖將伊
隊內馬匹隱匿情節已命兆惠秉公審訊即未奉
到諭旨此時巴圖濟爾噶爾豈竟無一語兆惠等
亦豈未風聞巴圖濟爾噶爾係一不識字之厄魯
特若非情事迫切且因伊隊內送馬官員等慮賠
累處分又豈肯代為繕摺兆惠等乃總未奏及顯
係顛預息事何以服人之心從前數次進兵雖厄
魯特等頑梗難化反覆難信亦由此等徇私曲庇

不能感服之所致朕每為追歎行軍之道當以感
服人心為要兆惠等知此務將此事始末毫無偏
袒詳悉審擬具奏巴圖濟爾噶爾看來人頗質實
兆惠等若能服其心尚可以得其力著傳諭知之又
諭曰昨諭哈寧阿在雅爾哈善隊內行走今既同策
布登扎布進兵著傳諭雅爾哈善即派兵數百名
委順德訥為前隊無庸更調哈寧阿前往
命原任布政使署內閣侍讀學士溫福遇缺即補隨

定邊將軍印辦事

戊子

命厄魯特散秩大臣三都克在上駟院行走賞銀一

百兩

巳丑

命安插厄魯特沙喇巴圖爾等於察哈爾

上諭軍機大臣曰前因厄魯特巴雅爾等八人隨端

濟布効力行走令從巴里坤咨送來京今巴雅爾

諾爾布曼集於中途病故其沙喇巴圖爾穆呼賴
和通托林特古斯俱授為護軍在察哈爾旗分安
插居住

庚寅

諭定邊左副將軍成衮扎布等嚴禁喀爾喀四部落
賊盜

上諭軍機大臣曰據吳達善奏稱喀爾喀賽音諾顏
部落之策凌與同旗得秦鎗斃卡倫綠旗兵張存

義談成選尤雲啟三人奪其駝隻軍器車零旋被
拿獲俟緝獲得秦質審正法等語從前準噶爾猖
獗時喀爾喀蒙古等畏懼無敢越境盜竊者今剿
滅厄魯特以安喀爾喀於巴里坤轉運糧馬分臺
設哨而車零等乃敢戕害兵丁轉若厄魯特既平
更可向內地為盜受恩蒙古舊僕中有此敗類情
甚可惡但將伊等正法不足蔽辜著查明所有家
口產業分給被害三人之家仍傳諭成衮扎布等

通行曉示四部落扎沙克等務宜約束所屬毋得越界為盜致干國憲

辛卯

靖逆將軍雅爾哈善等疏奏招撫回部事宜

雅爾哈善等奏言臣等欽遵

聖訓體察回部情形相機籌辦伏思額敏和卓乃回部素有名望聞烏什城頭日伯克霍集斯兄弟子姪分居四城其勢與兩和卓木相等亦相聽

信若額敏和卓擇親信之人設間於伯克霍集
斯以離其黨或能擒送逆酋一面進兵安撫成
功尤速商之額敏和卓亦以為然現在吐魯番
有伯克霍集斯舊屬五六戶擬選擇數人帶往
俟取庫車後相機差遣至圖爾珮與吐魯番同
異詢據額敏和卓云伯克霍集斯之父阿斯呼
濟原係吐魯番頭目康熙年間大兵入吐魯番
我兩兄以魯克察克城歸附阿斯呼濟逃入準

噶爾及大兵撤回策妄阿喇布坦送回阿斯呼
濟將我兩兄戕害遷吐魯番魯克察克回衆於
哈喇沙爾又遷往烏什故仍稱烏什城為圖爾
璜即係吐魯番等語再現在軍營索倫兵合計
可得四百五十名臣等行文兆惠派發索倫兵
五百名前來以符一千名之數奏入

上諭軍機大臣曰據雅爾哈善奏招撫伯克霍集斯
等事頗合機宜但額敏和卓既為叅贊大臣即應

列名同奏勿存分別之見至行文兆惠調發索倫
兵丁現在遣送兆惠軍營之綠旗兵一千名因慮
難及師期已停其前往是兵丁本屬無多且兆惠
之機宜在勦雅爾哈善之機宜在撫兩路所用索
倫兵自當權其多寡亦不必調往雅爾哈善軍營
可傳諭兆惠雅爾哈善等若所調索倫兵起程未
遠兆惠仍即追回此旨著速行飛遞

命肅州總兵官閔相師同丑達五福等帶領綠旗兵

卷五十一
丁在雅爾哈善軍營効力

壬辰

命更代科卜多軍營辦事大員等

上諭軍機大臣曰舒明在科卜多軍營已閱數載著
即來京正紅旗蒙古副都統濟福駐劄西寧其員
缺著扎隆阿補授在科卜多辦事其正紅旗蒙古
副都統著德爾素署理正白旗蒙古副都統順德
訥現在軍營其員缺著舒明署理

諭駐劄西寧副都統濟福等的辦堵截賊衆事宜

上諭軍機大臣曰昨據喀爾喀親王桑寨多爾濟奏
報逆賊阿睦爾撒納逃入俄羅斯出痘身死已命
齊巴克雅喇木丕勒往驗屬實是大功將次告成
雖尚有嗎哈沁等賊此次進剿即可掃除著傳諭
濟福等向青海蒙古通行曉示前命扎拉豐阿等
於青海豫備堵截賊衆看來即有逋逃必非大隊
若扎拉豐阿等派兵備剿少涉張皇則蒙古等未

免驚懼可酌量情形如全無踪跡即當回京現在
辦理情形若何作速具奏

甲午

大學士管陝甘總督黃廷桂疎奏籌辦哈薩克
貿易事宜

黃廷桂奏言伏查哈薩克於本年七月在烏魯
木齊等處交易臣一切豫為籌辦其緞布等項
俱經運赴巴里坤收貯今侍衛努三於二月二

十九日抵肅臣詳悉詢問據稱哈薩克各部人
皆散處凡有調遣會集之事俱各隨所願貿易
人數多寡不能豫定內地茶葉非其所好不必
備往即粧蟒緞疋等件亦宜酌量配搭不可過
多惟各色絨褐氈毯印花布等物是其所需購
運亦易伊地婦女皆以白布纏頭似宜多備等
語臣查烏魯木齊道途遙遠不便臨時備辦絨
褐等件係西安蘭州等處出產臣擬分飭各藩

司將此數項酌量購辦先期運赴巴里坤收貯
倘哈薩克人數無多布褐皆官兵常用之物即
於彼處散給扣餉歸疑再努三於三十日起程
赴京奏入報

聞

丁酉

命佐領職銜郎中三寶經理達什達瓦游牧

上諭軍機大臣曰富森現在病故達什達瓦游牧著

三寶前往經理其糧餉事務著富勒赫僧保住辦
理

戊戌

扎哈沁公扎木禪懇請入

覲

命於本年七月前赴木蘭圍場

己亥

諭定邊將軍兆惠等堵剿沙喇肇勒等處賊衆

上諭軍機大臣曰去年命和碩齊等護送哈薩克使
臣於歸途之便在額爾齊斯相近之輝邁拉呼布
空郭勒等處駐兵凡從沙喇擘勒竄逸及逃往俄
羅斯賊衆相機堵勦今兆惠等進勦賊衆必聞風
奔潰或向俄羅斯或往額爾齊斯阿爾台竄逸俱
未可定兆惠等一聞信息當遣發輕騎知會和碩
齊等令其協同堵勦但不可因額爾齊斯等處已
有和碩齊等堵截遂將應行防範路徑轉多疎忽

致賊衆得以脫逃至伊等進兵月餘此時現到何處曾過伊犁否賊衆情形若何作速奏聞

諭定邊左副將軍成袞扎布等酌議撤回索倫兵丁事宜

上諭軍機大臣曰前因擒拿阿睦爾撒納勦捕逃竄賊衆派索倫察哈爾等兵丁在烏里雅蘇台等處駐劄今阿逆既伏冥誅阿爾台以往地方寧謐烏里雅蘇台兵丁初無所事轉以防範喀爾喀邊界

之厄魯特恐策凌策凌烏巴什等不能無疑且兵
丁駐劄年久自應酌量撤回以示休息可傳諭成
衮扎布等於烏里雅蘇台科卜多等處兵丁量足
看守倉庫供應差遣外其餘索倫察哈爾等兵丁
應如何分隊撤回著定議具奏和碩齊唐喀祿等
帶兵不多於歸途亦撤回游牧再從前喀爾喀四
部落每年派兵防秋今準噶爾既入版圖防秋之
兵或仍照例派撥或當酌減併著議奏又

諭曰索倫兵効力軍前屢年未獲休息今賊衆漸次
勦滅大功將竣自可不日撤回現議在烏魯木齊
魯克察克等處屯田令綠旗兵駐劄雖嫻於耕作
而鎮守巡防之用不及索倫若令索倫兵同駐似
為有益伊等每年進納貂皮今移往駐防既免其
納賦又有錢糧養贍射獵資生自當更覺饒裕可
傳諭綽爾多等於索倫兵丁內揀選一千名明白
曉示以駐防之外並無別項差遣且於伊等生計

有益或今年先遣兵丁前往來年再將伊等眷屬
移去料伊等自必情願至揀選兵丁時若戶口多
者恐其親屬相離毋庸派往惟小戶單丁為善其
作何選派及攜眷駐防果否與伊等有益著綽爾
多等定議具奏

宣諭原任副將哈尚德罪狀

上諭大學士曰前兆惠叅奏副將哈尚德解送軍營
食羊二萬五千隻沿途倒斃一萬五千六百有奇

據該員稟稱原領之羊即有疲癯等語當即降旨
交該督黃廷桂及巴里坤大臣等查明具奏今據
陸續奏到此項羊隻哈密關展兩處俱係巴里坤
大臣專委哈尚德查收牧放自哈密起程時該員
自行揀選及至關展牧放又經三四月之久并將
疲乏羊隻退回而關展接收之羊亦係該員親揀
解往且於正數外多帶一千六百餘隻已屬足數
何至倒斃一萬五千餘隻之多哈尚德既經收牧

放又親行挑解並非倉卒交收致有病乏等情而沿途辦理不善遺失倒斃過半尚種種捏飾委之無奈哈尚德由廢員加恩錄用乃承辦此等要務並不實心出力貽誤軍需罪無可追哈尚德交巴里坤大臣枷號示衆並勒令照數賠補以為急玩公事者戒俟賠補完日再請旨發落

戶部侍郎阿里衮等疏奏招撫羅卜淖爾回衆

情形

阿里衮等奏言臣等於二月初九日至羅卜淖爾地甚寬廣林木深密有回人頭目哈什哈等投見據稱伊等原有二千餘戶數十年來移往阿克蘇多倫等處現在尚有六百餘人以漁獵為生四十年前大兵平定吐魯番時將軍等曾經招撫賞給緞布茶葉撤兵之後為準噶爾所據近聞大兵平定準爾前年曾進

貢仙鶴送交吐魯番頭目莽噶里克至今未知信

息昨聞額敏和卓移居吐魯番伯克托克托前
年被瑪呼斯掠奪逃至此地聞亦歸附懇准我
等霑受

皇恩等語臣等詢問羅卜淖爾通達何處有無厄魯
特賊人藏匿喀什哈告稱此水甚大周行須兩
月餘準噶爾葉爾羌喀什噶爾等處六十餘河
皆匯於此地等語臣等沿途登高瞭望不見涯
岸今大兵兩路進勦恐將來有遁逃賊衆隨派

員查明伊等戶口歸併額敏和卓管轄并曉示
哈什哈等嗣後有厄魯特及他處回人逃匿即
行報知哈什哈等叩謝復以狐兔皮乾魚等物
向兵丁等貿易而回奏入報

聞

庚子

命酌賞青海蒙古官兵

上諭軍機大臣曰據濟福等奏稱奉到豫備兵丁毋

庸聚集之旨即傳諭索諾木丹津令其散遣據稱
若盡行撤回恐倉卒難於調發酌將近地者散遣
遠道者仍在烏圖等處駐劄水草甚佳並無勞苦
等語昨令兵丁仍回各游牧原所以示體卹今伊
等辦理頗為妥協即照所奏行從前曾有諭旨若
調用伊等兵丁加以恩賞今雖未調發業經聚集
亦應酌量賞賜著濟福等會議具奏

申諭黑龍江將軍綽爾多等酌議索倫兵丁駐防事

宜

上諭軍機大臣曰昨諭綽爾多等揀選索倫兵一千名駐防烏魯木齊等處並將攜眷前往之處議奏特慮伊等兩地瞻顧務使得所之意今思人情安土重遷或攜眷亦非所願且駐防兵丁亦不妨更番戍守著傳諭綽爾多體察情形如不願攜眷即定以年限派兵更代酌量賞賜若有更代駐防舊例即查照辦理或無例可援即照出兵例減半賞

給仍曉示伊等以駐防非用兵可比出自特恩此事究竟如何辦理綽爾多等即定議具奏

平定準噶爾方略正編卷五十一

欽定四庫全書

平定準噶爾方略正編卷五十二

乾隆二十三年三月辛丑

定邊將軍兆惠等疏奏進勦賊衆情形

兆惠等奏言臣等於二月初九日起程二十一
日臣富德至喀喇烏蘇捉生詢問據供哈丹鄂
拓克之人與阿巴噶斯人等逃至博羅塔拉今
年正月土爾扈特舍楞等忽來搶掠聞舍楞將

入俄羅斯等語二十二日至庫爾喀喇烏蘇捉
生詢問據供厄魯特鄂拓克人等去年俱聚於
沙喇孛勒十二月間哈薩克遣兵二千將巴爾
達穆特綽和爾搶掠其昂吉岱哈薩克錫喇等
築壘固守因誘哈薩克云嗎哈沁等欲以妻子
易換馬匹哈薩克存留百人後為伊等誘殺俱
各分散聞舍楞將入俄羅斯布庫察罕向聞勒
奇前來復為昂吉岱所掠再舍楞有千餘戶過

閏勒奇向齋爾來時擊敗哈薩克三百人奪馬數百匹曾在博羅塔拉之博勒卓爾格訥居住布庫察罕有二百餘戶曾在賽里木淖爾居住昂吉岱哈薩克錫喇鄂哲特卓托魯克喀喇沁阿巴噶斯多果魯特特穆爾齊塔本集賽喇嘛等共千餘戶自和濟格爾渡伊犁河曾言向固爾扎濟爾哈朗等處居住哈丹鄂拓克之敦多克帶百餘戶遷來曾在齊格特衣布拉克地方

此時不知所向等語臣富德伏思賊衆分為四
支彼此相近若先勦一處必致聞風驚竄因按
兵以待臣兆專等輕騎前來於本日公議從前
臣等慮衆賊會合一處以抗我兵我

皇上先幾洞鑒謂烏合之衆不能久聚萬里之外誠
如目覩臣等擬分兵進勦如行圍之法約期迴
合盡與殲除現在合臺站兵丁計有四千餘名
臣策布登扎布富德與羅卜藏多爾濟鄂博什

溫布領兵一千二百名向博羅塔拉勦捕舍楞
再向賽里木淖爾勦捕布庫察罕由闐勒奇至
伊犁會合又派兵六百名看守馱載接續臺站
臣兆惠巴祿領兵一千二百餘名由博羅布爾
噶蘇向伊犁勦捕昂吉岱等又派兵四百名看
守馱載三百名接續臺站再聞博羅布爾噶蘇
嶺內鄂伯勒齊爾尼勒喀有布魯古特之渾齊
二百餘戶居住臣兆惠於所領兵內派出四百

名令瑚爾起巴圖濟爾噶爾等前往尼勒喀勒
捕臣兆惠巴祿同由屯圖倫楚領兵八百至鄂
伯勒齊爾會合同入伊犁額駙色布騰巴爾珠
爾公明瑞去年追勦昂吉岱阿巴噶斯游牧未
獲成功今懇請効力亦同前往其哈丹餘衆僅
百餘戶齊格特衣布拉克相距亦近令公敏珠
爾多爾濟侍衛達禮善前往勦捕其各隊兵丁
俱於伊犁會合再行進勦回部至賊人供內有

舍楞將入俄羅斯之語臣策布登扎布等疾行
進勦前經奉

旨令和碩齊唐喀祿等堵截臣等亦行文科卜多大
臣速為知會惟期奮勉効力一舉蕩平奏入報
聞

定邊將軍兆惠等疏奏擒獲扎哈沁得木齊哈
勒拜等

兆惠等奏言臣富德於二月二十二日帶兵三

百名沿途偵探據侍衛拉瑪錫等報有賊人踪跡捉生詢問據供扎哈沁得木齊哈勒拜游牧在額卜推河得木齊達爾扎巴朗亦來相合等語即令侍衛鄂實老格拉瑪錫多爾吉勒圖蒙固勒岱等分兵追襲哈勒拜領隊大臣色布騰巴爾珠爾明瑞鄂博什巴圖濟爾噶爾侍衛正白旗額爾登額烏爾登正黃旗額爾登額特通額等各帶兵前往合圍臣富德率侍衛畢拉爾

海福齡安達桑阿等尾隨追擊索倫署叅領塞爾默勒圖等前至隘口橫截達爾扎巴朗等見四面攻圍甚迫率其眷屬四十餘口投棄軍器高呼乞降侍衛鄂實老格追擒哈勒拜勦殺屬人八十餘口臣兆惠等續到詢問哈勒拜等據供去年大兵數次勦捕扎哈沁游牧我等四十餘戶僅得逃出因大兵已撤始來平原牧馬打牲度日等語查哈勒拜既殺巴哈曼集仍數抗

我兵達爾扎蒙

恩授三等侍衛令管臺站乃敢叛逃搶掠及至攻圍甚迫始畏威乞降罪無可逭俱於軍前正法巴朗係達什達瓦屬人熟悉伊犁博羅塔拉等處暫留為嚮導所餘人口解赴巴里坤備賞收獲牲隻軍器什物分給兵丁臣等伏思此次所遇雖非大隊賊人而擒獲渠魁盡俘黨衆進兵伊始實為順利其奮勉官兵應否交部議叙出自

特恩奏入報

聞

諭定邊將軍兆惠等進勦賊衆事宜

上諭軍機大臣曰兆惠富德等奏稱沙喇擘勒賊衆紛紜逃散果不出朕前諭所料但策布登扎布富德羅卜藏多爾濟等皆分勦舍楞而進勦昂吉岱等衆賊惟兆惠巴祿恐兆惠未能辦理果決然業經區畫亦追改無及其巴圖濟爾噶爾亦著為領

隊大臣在前哨探此次富德等擒獲扎哈沁哈勒拜等將賊衆全行俘獲在事官兵甚屬奮勉著造冊送部議叙哈勒拜等俱屬小醜自當在軍前正法其哈薩克錫喇等渠魁若經擒獲仍解送來京看來進勦賊衆尚易竣事雅爾哈善等辦理回部若照前定期轉覺後時著將兆惠等奏摺錄寄雅爾哈善等閱看並令將辦理情形作速奏聞又諭曰據兆惠等奏稱擒獲賊人供內有舍楞將入俄

羅斯之語已行文科卜多大臣知會和碩齊唐喀
祿等語前經降旨令和碩齊等在額爾齊斯等處
堵截由沙喇摩勒逸出及逃往俄羅斯賊人今沙
喇摩勒賊衆俱已潰散四出而舍楞又有逃入俄
羅斯之信恐科卜多大臣等文移遲滯著傳諭阿
桂行知和碩齊唐喀祿等倘賊衆有向額爾齊斯
逃往俄羅斯踪跡伊等務留意堵截擒拏解送來
京伊等駐兵許久以逸待勞斷不可稍有玩忽致

令中途逃脫此旨到日阿桂即擇健馬飛遞令和
碩齊唐喀祿等遵照辦理

諭叅贊大臣永貴等協辦魯克察克以外臺站

上諭軍機大臣曰據巴祿奏稱現在進兵由巴克庫
蘇一路所設臺站馬駝倒斃者甚多經兆惠等移
文永貴定長酌量添補等語軍臺關係緊要馬匹
駝隻自應辦給足額方可馳遞無悞永貴等雖專
辦屯田事務及巴里坤至魯克察克一路軍臺而

魯克察克以外臺站更為緊要著傳諭永貴定長一體查辦勿分畛域所需馬駝即照移文添補仍協同巴祿不時巡察坐臺官兵務令加意牧放馬駝庶往還事件不致遲滯亦傳諭巴祿知之

壬寅

命主事巴杭阿協同佐領職銜郎中三寶照看達什達瓦游牧

癸卯

靖逆將軍雅爾哈善疏奏派撥進剿官兵

雅爾哈善奏言臣等酌派領隊侍衛官員有巴圖魯侍衛寧古禮噶布舒喀喇侍衛拜達爾藍領侍衛達克塔納桑古善賀倫泰莫寧察吉林驍騎校錫勒畢善健銳營前鋒署筆帖式五十八佛保俱來至魯克察克軍營其侍衛富紹等陸續帶來索倫吉林察哈爾兵共一千四百餘名無庸調取兆惠等軍營兵丁又哈密貝子玉

素富領回兵一百名於三月初一日到營其馬
得勝丑達五福等所領綠旗兵丁現從巴里坤
起程候伊等到時照所派吐魯番三百回兵之
數撤留屯田其應得之項俱移給回兵但派出
回兵應得兩個月裹帶口糧鹽菜理宜豫行支
給以備刻期起程請即由闢展存貯銀米內給
發外至綠旗兵丁所得整裝銀兩已從本地支
給又仍留伊等屯田請免其追繳惟將馬匹換

給回兵其三百回兵應得整裝銀各三兩俱從
奏帶備賞銀內動用賞給至伯克鄂對等俱係
庫車烏什庫爾勒等城頭目乾隆二十年平定
伊犁伊等迎降即隨營行走除同來子弟外其
眷屬多被回首殺害此次進勦令其招撫各城
臣等現候綠旗兵到營即前往哈喇沙爾再將
進勦日期具奏奏入報

聞

乙巳

命喀爾喀公林丕勒多爾濟之子孫卜登多爾濟承

襲伊父公爵

大學士管陝甘總督黃廷桂疏奏解送軍營駝
隻數目

黃廷桂奏言臣查陝甘各屬及豫省一帶購辦
商民駝隻又各營挑解孳生上年晉省留餘及
挑選各起厄魯特駝隻共七千一百有奇又晉

省辦解駝隻六千四百有奇共駝一萬三千五百有奇本年三月初九日准吳達善咨送疏稿內開用過駝隻五千九百六十有奇現需撥給綠旗兵丁駝隻二千五百六十有奇臣已檄催速解計四月初可全抵巴里坤尚有餘駝五千餘隻陸續解送應付軍需似屬富裕奏入報

聞

丁未

恩授軍前効力之厄魯特等官職及

賞賚安插有差

上諭軍機大臣曰順德訥等隊內効力之厄魯特察罕庫本班第俱著授三等侍衛賞給衣服銀兩派乾清門侍衛德爾森保等送至雅爾哈善軍營効力行走其家口安插察哈爾人少旗分嚮導擒勦賊衆之巴圖根敦札卜著同家口送京伊等若未出痘亦在察哈爾旗分安插

巴里坤辦事巡撫吳達善等疏奏馬匹被竊情形吳達善奏言據厄魯特宰桑摩羅等供節次盜取巴里坤牧馬三百餘匹奉

旨交臣等查奏查巴里坤牧放馬駝有被竊之案俱經陳奏去歲九月因雪大草枯將馬駝移於塔勒納沁十月間巴里坤並無官馬至倒斃馬匹必有耳尾可驗或牧馬人員因被竊懼罪作為倒斃亦未可定現在詳悉查辦再乾隆二十一

年十二月內勦殺沙克都爾曼濟牧其馬駝牲
隻經分賞効力兵丁係伊等自行牧放或有遺
失被竊等事臣等俱未能查出不勝愧悚請交
部嚴加議處奏入得

旨此次著從寬免其議處嗣後當加意防範

軍機大臣疏奏詢問回人阿卜都爾璘供詞

軍機大臣奏言前莽噶里克差遣探信之回人

阿卜都爾璘在哈密拘禁今據巴里坤大臣等

遵

旨解送來京臣等詢問阿卜都爾瑞據供從前莽噶
里克隨將軍和起厄魯特尼瑪等往拏巴雅爾
行至闕展尼瑪等背叛將軍被圍并拘禁莽噶
里克迫脅其弟同行莽噶里克始得脫回吐魯
番尼瑪復領兵脅降莽噶里克不從彼時將軍
兆惠及巴里坤大臣俱遣人至吐魯番莽噶里
克即作書令伊弟多里雅特同我往魯克察克

送與公素賚瑞閱看復書與將軍所遣之人並
差伊屬人默美特蘇卜同往哈密中途將軍所
遣人等自回巴里坤我等見哈密大臣時遣默
美特蘇卜即回將我孛獲拘禁莽噶里克惟令
我隨同將軍差遣之人並無他說等語又詢問
阿卜都爾瑞從前和將軍至闕展見三十餘人
踪跡令莽噶里克帶索倫十人往探回報云係
尼瑪之兵又請將馬駝於山嶺牧放未幾尼瑪

等即來衝擊聞莽噶里克亦曾助力何得為其
隱瞞據供將軍見有賊踪令往看視莽噶里克
並未前行係遣伊屬人同索倫往探其牧放馬
駝是實但不知為何人所告至將軍被圍時莽
噶里克實未助力係乘亂逃回等語奏入得

旨著將阿卜都爾璜發往杭州賞給將軍薩爾哈岱
為奴

已酉

定邊將軍兆惠等疏奏擒獲叛賊琿齊收其游牧

兆惠等奏言臣等分兵後臣兆惠派兵四百名交瑚爾起巴圖濟爾噶爾由呼斯坦至尼勒喀河襲擊叛賊琿齊臣兆惠巴祿領兵八百名入博羅布爾噶蘇口至鄂伯勒齊爾與瑚爾起等會合瑚爾起等於二月二十八日至呼斯坦適遇琿齊等百餘戶遷移游牧即行圍剿殺賊四

五十人瑛齊等登山高呼乞降巴圖濟爾噶爾
遣親隨布爾特庫將瑛齊喚來瑚爾起盡收其
游牧次日與臣兆惠等相見臣等責問瑛齊已
降復叛并詰以各賊藏匿處所據供去歲呈獻
扎那噶爾布首級即欲投至軍營因宰桑美諾
和什云布魯古特投誠時盡行勦滅等語是以
中變聞得昂吉岱哈薩克錫喇鄂哲特集賽之
喇嘛等會合千餘戶向伊犁前來巴圖爾烏巴

什出痘身死舍楞率所屬欲往俄羅斯向博羅
塔拉前去布庫察罕有二百戶在賽里木淖爾
居住哈丹屬人現在齊格特衣布拉克其餘互
相殺掠殆盡綽羅斯台吉阿南達哈什哈索遜
因被昂吉岱搶掠僅帶數人投來我處今亦被
擒等語臣兆惠等即將馱載暫留輕騎前往掩
襲各賊并令瑚爾起隨後策應其琿齊阿南達
哈什哈索遜先行送京所有屬人令隨我兵行

走留兵看守伊等家口俟臣進勦昂吉岱等事
竣酌量辦理効力行走官兵及得傷兵丁應請
交部議叙奏入得

旨巴圖濟爾噶爾瑚爾起初次進勦即擒獲叛賊琿
齊等盡收游牧深屬可嘉巴圖濟爾噶爾瑚爾起
著交部議叙其奮勉官兵亦查明送部往喚琿齊
之厄魯特布爾特庫兆惠等酌量賞給銀兩又

諭軍機大臣曰覽兆惠等所奏擒獲琿齊等情形事

機順利自可早奏膚功但伊等將所收琿齊等屬人俱帶領從軍効力似覺可慮倘逃走一二人潛通信息致賊衆聞風竄逸甚有關係著傳諭兆惠等宜留心體察倘稍露脫逃形跡即行辦理

命分別查議運送軍需官員

上諭軍機大臣曰據兆惠等奏稱由巴里坤運送口糧軍器之第二起遊擊菩薩保行走遲滯駝隻疲乏倒斃者甚多第三起遊擊唐朝舉相隔十日起

程與二起同至駝隻疲斃者較少等語唐朝舉及同行官兵著與頭起之富勒渾等一體交部議叙菩薩保著交部嚴加議處

命優卹察哈爾總管第魯巴

上諭軍機大臣曰據兆惠等查訊扎哈沁賊人知總管第魯巴於前年十一月巡查臺站至烏蘭烏蘇遇扎那噶爾布等搶掠隻身奮勇鏖戰為賊所害深可憫惻著交部照陣亡例加恩優卹

諭飭定邊將軍兆惠等查審郭木尼勒圖匿馬情節
上諭軍機大臣曰昨諭兆惠等將巴圖濟爾噶爾所
奏郭木尼勒圖藏匿馬匹等情節秉公查審具奏
今據奏稱郭木尼勒圖支吾推委應候提取原稟
之章京喀勒占到時再行質審辦理等語此案情
節兆惠等宜向郭木尼勒圖嚴加詰問不當於巴
圖濟爾噶爾有意吹求從來審理案件未有舍被
告之人而專於原告是問者非但不足服人之心

且致生其疑懼兆惠等顯有偏袒姑息之意著傳諭申飭其郭木尼勒圖仍遵前旨審明即行正法諭大學士管陝甘總督黃廷桂等辦理擒獲之厄魯

特等

上諭軍機大臣曰富德等擒獲厄魯特巴圖巴布寄等戶口將巴圖孟庫伯勒克留為嚮導餘俱解送巴里坤等語昨諭將來降之厄魯特等賞給產業歸入綠旗兵丁內差遣特指誠心降附者而言其

兵力擒拿者不在此例此次解送之厄魯特家口
係拿獲之嗎哈沁著照從前諭旨送至肅州等處
辦理可傳諭黃廷桂吳達善等知之

庚戌

諭定邊左副將軍成衮扎布辦理四部落游食人等
事宜

上諭軍機大臣曰成衮扎布奏稱軍營附近等處四
部落游食貧人甚衆不行驅逐恐致滋生事端隨

派出官兵給與口糧送回本旗交該扎薩克嚴加
約束等語軍營存貯米石備官兵之用非易於運
致者且蒙古等以茗酪為生向不專資穀食今將
逐回人等給以口糧使各游牧聞知貪得米石來
者必多轉非資遣之法此次業經辦理嗣後倘有
再來者即量為懲治驅逐無庸給與口糧

定邊左副將軍成衮扎布疏奏受事日期

成衮扎布奏言臣於三月初十日至烏里雅蘇

台軍營據納穆扎爾將定邊左副將軍印交送
臣謹叩頭抵受納穆扎爾遵

旨於十四日起程回京奏入報

聞

辛亥

命巴里坤辦事提督豆斌巡查臺站

上諭軍機大臣曰現在兩路進兵馳遞事件甚多自
巴里坤至額林哈畢爾噶一帶恐尚有藏匿山谷

賊人為行旅之害但嗎哈沁等諒亦無幾可傳諭
吳達善在巴里坤兵丁內酌派一二百名令豆祇
帶領加意巡查一遇賊人即行勦殺以清臺路

癸丑

定邊將軍兆惠等疏奏昂吉岱等賊衆情形

兆惠等奏言昨據瑛齊等供稱昂吉岱等賊衆
向伊犁前來臣等於三月初三日至額爾克巴
圖爾布拉克捉生詢問據供昂吉岱自去年從

阿圭雅斯逃至沙喇孛勒哈薩克錫喇鄂哲特
等以昂吉岱係噶爾丹策零近族議立為大台
吉布庫察罕舍楞等不從舍楞欲入俄羅斯布
庫察罕拒守伊遜薩們之源昂吉岱遣特古斯
孟克鄂哲特來攻為布庫察罕所敗十二月初
哈薩克哈布哈之子圖古占領兵二千至沙喇
孛勒掠取綽和爾及兩巴爾達穆特昂吉岱等
於察林之橋渡連兵拒戰哈薩克阿布拉該爾

之子額爾類又領兵千人來攻今年正月昂吉
岱等遂移向伊犁布庫察罕掠取昂吉岱馬匹
鄂哲特往追被擒隨行釋放因共攻昂吉岱聞
昂吉岱特古斯孟克俱隻身逃出未知被獲與
否鄂哲特於二月中遷移北去或往察罕烏蘇
闡勒奇或合布庫察罕俱不得知現在鄂哲特
有千餘戶等語臣等即尋踪往追并行文策布
登扎布若賊衆向闡勒奇即行堵勦又哈丹餘

衆在齊格特衣布拉克前遣敏珠爾多爾濟等
往勦據報二月二十七日追至額卜推河截其
後隊三十餘戶全行勦殺探知哈丹阿巴噶斯
餘衆尚有七十餘戶逃向綽和爾等營壘隨至
其地山險林密僅容單騎兩山埋伏鎗礮不能
前進等語臣等即飭令奮力攻擊若不能即取
當嚴守隘口不可致令逃脫并發給一月口糧
又奉到

諭旨令臣等酌量派給雅爾哈善索倫兵丁雅爾哈
善調取索倫兵五百名咨文亦到臣等現帶之
兵僅敷調遣且已至伊犁若將兵丁從額林哈
畢爾噶發往魯克察克恐路遙力乏查現辦解
送人口至巴里坤亦須派兵擬俟勦賊事竣將
索倫兵五百名由朱爾都斯押解人口送交雅
爾哈善將索倫兵留用派綠旗兵丁押解人口
轉赴巴里坤奏入

上諭軍機大臣曰據兆惠奏稱派給雅爾哈善之索倫兵請俟勦賊事竣再行發往等語此係伊等未進兵以前之旨近又諭令停止兆惠等若勦賊事竣即與雅爾哈善合兵辦理回部亦不必於押解人口時發往至所奏敏珠爾多爾濟等以哈丹等餘賊營壘堅固不能攻取已飭令嚴守隘口等語賊衆藏匿險僻不過偷生旦夕久之必無口食接濟我兵自應於要路防守相機攻勦斷不可委之

而去此時若能辦竣固善否則將巴圖濟爾噶爾
溫布由屯等派出一二員領兵協助務絕根株嗣
後伊犁等處賊衆有藏匿抗拒者亦照此辦理

靖逆將軍雅爾哈善等疏奏進兵日期

雅爾哈善等奏言三月十一日侍衛齊凌扎卜
齎送靖逆將軍印前來臣謹叩頭祇受將

欽差大臣關防移交永貴定長託都統哈寧阿於十
三日前至軍營臣等即領兵起程向哈喇沙爾

進發並將

恩旨所賞伯克鄂對等翎頂傳諭賞給伊等感激祇
領現在叅贊領隊大臣總管侍衛等俱各戴翎
於軍容甚為整肅惟帶領綠旗官兵自提督馬
得勝外其總兵官丑達五福閔相師俱係領隊
大員可否令其戴翎出自

特恩臣等欽遵節次

訓示於一切機宜惟有和衷商辦益加策勵以告成

功奏八

上諭軍機大臣曰近因兆惠奏派哈寧阿同策布登
扎布進兵曾諭令前往兆惠軍營行走今哈寧阿
既至魯克察克同往哈喇沙爾恐接到此旨又復
遑行著傳諭雅爾哈善哈寧阿此時若未趨赴兆
惠軍營即停其前往如已遵前旨起程亦不必追
回其帶領綠旗兵之丑達等俱照所請賞戴孔雀

翎

諭兩路將軍等和衷集事

上諭軍機大臣曰從前兩路將軍大臣等領兵勦賊
往往分別彼此以致所辦軍務未能迅合機宜朕
曾屢降諭旨訓飭今兆惠雅爾哈善分兵前進本
路應辦事務各宜奮勉至若兩路聲息相通及會
合一處尤貴和衷商確兆惠雅爾哈善策布登扎
布俱世受國恩為朕簡用之人自當視國事如家
事合兩路為一體現在辦理回部雅爾哈善既膺

專閭之寄一應章奏文檄自宜首列若兆惠進勦
厄魯特事竣往辦回部兩路會合時又當以兆惠
居首總期伊等同心協力早奏膚功勉之勿怠

諭辦理屯田侍郎永貴等增兵耕種事宜

上諭軍機大臣曰昨因軍需羊隻道遠多致倒斃諭
永貴等於屯田處所廣為墾種以裕軍食今據永
貴定長等奏稱本年在烏魯木齊闢展托克三哈
喇沙爾等處共派屯田兵三千六百名墾地二萬

九千二百畝計布種一千四百餘石可收穀三萬
六百石較去年吐魯番闢展之數加增三倍等語
多種地畝於軍食有益現派兵數尚覺其少或伊
等計抽調留候成熟僅得此數耶抑或難於多得
耶但添派綠旗兵丁其後隊尚未起程者多係閒
住不妨暫令乘時布種再陸續前往至永貴等辦
理屯田當親往察看董勸兵丁其勤於力作多種
地畝者即量加賞賚以示鼓勵

甲寅

命厄魯特喇嘛羅卜藏原端同

雍和宮之扎薩克喇嘛居住

議喀爾喀圖謝圖汗部落差役事宜

定邊左副將軍成袞扎布奏言桑寨多爾濟奏

稱圖謝圖汗親王齊巴克雅喇木丕勒等六旗

蒙古等偶值災荒請暫停差役等語奉

旨交臣等查明尚有何項差役酌量辦理查喀爾喀

等安設臺站牧放牲畜官兵及值班台吉等現
俱給與錢糧惟自游牧起程辦給口糧軍器馬
匹稍有費用從前扎薩克圖汗賽音諾顏二部
落十餘旗被災暫停差役於各該部落內通融
辦理今圖謝圖汗之六旗應請照扎薩克圖汗
等旗之例辦理奏入得
旨軍機大臣議奏尋議喀爾喀等此數年來時被災
荒生計維艱我

皇上特沛恩綸停其差役悉從官辦又發帑代還公私逋負近因圖謝圖汗之六旗被災復發帑賑濟具伊等除台言官兵等起程前赴軍營自行整裝之外並無別項差役今既據成衮扎布等援照扎薩克圖汗等旗之例將圖謝圖汗之六旗暫停差役於該部落內通融出派等語應如所奏辦理奏入

上從之

議遷移達什達瓦屬人事宜

定邊左副將軍成衮扎布等奏言臣等查達什
達瓦屬人現在鄂爾昆等處游牧與喀爾喀錯
處致有盜竊事端且伊等所種地畝多未收穫
請遵面奉

諭旨酌量移於通肯呼裕爾應乘青草萌生時給與
兩月口糧派官兵照管前往通肯呼裕爾奏入
得

旨軍機大臣議奏尋議遷移達什達瓦屬人前經成
衮扎布在京時奉

旨交臣等會議臣等議以俟成衮扎布回至軍營相
度情形具奏到日再議今成衮扎布既請遷移
安插應如所奏辦理但上年伊等所種地畝多
未收穫又蒙

恩賞給籽種應仍令其照常耕種至秋收後遷移庶
伊等所存牲隻得以休息至伊等遷移後時際

冬春仍需接濟請行文黑龍江將軍等酌定地方豫為辦理奏入得

旨遷移達什達瓦屬人一事成衮扎布等此時且不

必慮盡若伊等知覺即不肯努力耕種矣再從前

將軍綽爾多等奏稱通肯呼裕爾地頗寬廣達什

達瓦屬人遷移甚便等語此地近經安插厄魯特

等今又將達什達瓦移往其如何分別指給游牧

及豫備接濟之處著綽爾多即妥議具奏

平定準噶爾方略正編卷五十二